

Համանախագահները հույս ունեն

«Համանախագահները
անկեղծորեն հույս են
հայտնում, որ 2 երկու երկր-
ների ղեկավարների հանդի-
պումը կկայանա եւ կհան-
գեցնի բանակցությունների
վերսկսմանը Լեռնային Ղա-
րաբաղի հակամարտության
խաղաղ կարգավորման Հիմ-
նարար սկզբունքների մա-
սին փաստաթղթի հիման
վրա, որը կողմերին է ներկա-
յացվել 2007 թվականի նո-
յեմբերի 29-ին Մադրիդում՝
ԵԱՀԿ Նախարարների
խորհրդի հանդիպման բա-
ցումից առաջ», - մարտի 19-
ին Վիեննայում հայտարա-
րել են ԵԱՀԿ Մինսկի խմբի
համանախագահները:
Նրանք նշել են՝ «Ֆրանսիան,
Ռուսաստանը եւ Միացյալ
Նահանգները պաշտպա-
նում են Ադրբեյջանի տարած-
քային ամբողջականությունը
եւ, հետեւաբար, չեն ճանա-
չում Լեռնային Ղարաբաղի
անկախությունը, միեւնույն
ժամանակ գտնելով, որ Լեռ-
նային Ղարաբաղի ապագա
կարգավիճակը կողմերի մի-
ջեւ բանակցությունների
առարկա է: Համանախա-
գահները համոզված են, որ
հակամարտության ցանկա-
ցած խաղաղ եւ արդարացի
կարգավորում պահանջելու
է անխուսափելի փոխզի-
ջումներ կողմերի միջեւ:
Նրանք ընդգծում են Հայաս-
տանի նախագահական
ընտրությունների հետ կապ-
ված դադարից հետո բա-
նակցությունների վերսկս-
ման հրատապ անհրաժեշ-
տությունը»: